

<b>Adroddiad i'r:</b>	Cabinet
<b>Dyddiad y Cyfarfod:</b>	27 Medi 2016
<b>Aelod / Swyddog Arweiniol:</b>	<b>Y Cyngorydd Hugh Evans, Arweinydd</b>
<b>Awdur yr Adroddiad:</b>	Alan Smith, Pennaeth Gwella Busnes a Moderneiddio
<b>Teitl:</b>	<b>Diweddariad prosiectau a ariennir gan TAP</b>

---

**1. Am beth mae'r adroddiad yn sôn?**

Mae'r Grŵp Hyrwyddwyr Tref wedi cyfarfod i ystyried cynnydd y prosiectau sy'n weddill sy'n deillio o'r Cynlluniau Tref ac Ardal. Dyma eu hargymhellion.

**2. Beth yw'r rheswm dros lunio'r adroddiad hwn?**

Mae'r Grŵp Hyrwyddwyr Tref wedi ystyried sefyllfa'r prosiectau sy'n weddill ac yn hoffi argymhell bod y cyllid yn cael ei dynnu'n ôl i rai, a bod eraill yn cael eu hariannu yn eu lle.

**3. Beth yw'r Argymhellion?**

- Bod y cyllid heb ei ymrwymo sy'n gyfanswm o £100,000 yn cael ei ddefnyddio i gefnogi'r cynlluniau a nodwyd yn yr adroddiad.

**4. Manylion yr Adroddiad**

Ym Mehefin 2015, cynhaliodd y Grŵp Hyrwyddwyr Tref adolygiad trwyadl a blaenoriaethu prosiectau a ariennir gan TAP. Mae'r rhain yn brosiectau 'Gorwel', roedd disgwyl i bob un ohonynt fod wedi'u cwblhau erbyn mis Mai 2017. Ers hynny, mae'r grŵp wedi bod yn monitro eu cynnydd, gan gynnwys cynllunio i ail-ddyrannu unrhyw danwariant prosiect a allai godi.

Mae'r Hyrwyddwyr Tref yn pryderu bod rhai prosiectau ar y rhestr yn ymddangos mewn perygl o beidio â chael eu cyflawni o fewn yr amserlen y cytunwyd arni. Sef:

Llyfrgell Llanelwy	£100,000
Pafiliwn Corwen	£50,000
Prosiect cyn ysgol Llangollen	£30,000

Yn y cyfarfod Hyrwyddwyr Tref 25 Gorffennaf, cafodd pob un o'r tri phrosiect hyn eu hadolygu a daeth Aelodau i'r casgliad:

- Dylai'r cyllid ar gyfer prosiect pafiliwn Corwen barhau i fod ar gael, gan fod gwybodaeth gyfredol yn dangos y byddai'r cynllun hwn yn cael ei gyflwyno o fewn yr amserlen.
- Roedd y cynnig gwreiddiol ar gyfer prosiect cyn ysgol Llangollen wedi bod yn anymarferol, fodd bynnag, roedd cynnig addasedig wedi ei gyflwyno i wella'r

adeilad presennol yn lle hynny. Ystyriodd yr Aelodau bod hwn yn darparu canlyniadau gwell tebyg i blant cyn-ysgol ac fe allai gael ei gyflwyno yn yr amser sydd ar gael, ond roeddent eisiau mwy o wybodaeth cyn gwneud penderfyniad.

- Ystyriodd yr Aelodau gynnig a oedd wedi'i ymestyn yn sylweddol ar gyfer prosiect Llyfrgell Llanellwyr. Fe wnaethant ofyn am fwy o wybodaeth am hyn, er mwyn penderfynu a ddylid cefnogi'r cynnig diwygiedig hwn neu gyfyngu ar gyllid i'r cynllun gwreiddiol. Roedd Aelodau hefyd eisiau bod yn hyderus y gallai naill fersiwn neu'r llall o'r cynllun hwn gael ei gyflwyno yn yr amserlen sydd ar gael.

Yn y cyfarfod blaenorol ar 28 Mehefin, roedd y grŵp wedi gofyn am gynigion gan Aelodau am brosiectau a allai ddefnyddio'r tanwariant disgwylidig ar y pryd o £49,000. Yn ystod yr adolygiad o brosiectau cyfredol, nodwyd tanwariant pellach o £20,000 ar y cynllun Llwybr Cyswllt Llantysilio, ac felly roedd hyn hefyd wedi'i ychwanegu at y pot sydd ar gael, gan wneud cyllid o £69,000 ar gael ar gyfer ail-ddyrannu.

Roedd 17 o gynigion wedi'u cyflwyno i'r grŵp, ac fe gafodd y rhain eu hasesu gan ddefnyddio'r un system sgorio â'r cynigion gwreiddiol. Cafodd dau brosiect eu hailasesu hefyd yn y cyfarfod ar ôl cyflwyno gwybodaeth ychwanegol. Ar sail yr asesiadau hyn, penderfynodd y grŵp argymhell i'r Cabinet y dylai'r cynigion canlynol gael eu hariannu:

Clwb Chwaraeon Llangollen - offer torri gwair newydd	£ 5,400
Pentre-dŵr - ailwampio Canolfan Gymunedol	£ 3,000
Gwelliannau amgylcheddol Cuning Green	£ 1,500
Hygyrchedd Canolfan Gymunedol Llyfrgell Rhuddlan	£12,000
Gwelliannau Amddiffyn Arfordirol y Rhyl Cam 2	£35,000
Placiau Pres Llwybr Clawdd Offa, Prestatyn	£ 5,000
<b>Cyfanswm</b>	<b>£61,900</b>

Yng nghyfarfod Pencampwyr Tref 6 Medi, ystyriodd yr Aelodau wybodaeth bellach am y rhestr o brosiectau a flaenoriaethwyd. O ganlyniad, penderfynodd yr Aelodau gefnogi cyllid parhaus cynllun Llyfrgell Llanellwyr fel y'u *cyflwynwyd yn wreiddiol*, cyn belled â'i fod yn cael ei gyflawni o fewn yr amserlen. Fodd bynnag, penderfynodd yr Aelodau *dynnu'r addewid o arian yn ôl* o gynllun cyn-ysgol Llangollen, gan nad oedd unrhyw wybodaeth bellach wedi dod i law ar hyn, ac nid oeddent bellach yn hyderus o'i gyflwyno'n llwyddiannus.

Ynghyd â rhai tanwariant o brosiectau a oedd wedi'u cwblhau o dan y gyllideb, roedd hyn yn gadael swm terfynol o £38,100 i gael ei ail-ddyrannu. Yn seiliedig ar y meini prawf sgorio, penderfynodd yr Aelodau ddyrannu cyllid i dri o brosiectau eraill ar y rhestr, sef:

Llwybr cyswllt Aberchwiler	£23,200
Sied Nwyddau Gallt Melyd	£11,500
Unedau Busnes Cae Cymro	£ 3,400

Disgwylir y bydd yr holl arian a ddyrannwyd yn cael ei wario erbyn diwedd mis Mai 2017. Bydd darparu'r holl brosiectau byw yn cael ei fonitro drwy'r cyfnod hwn ac adroddir ar y cynnydd yn ôl i Hyrwyddwyr Tref. Erbyn hyn nid oes unrhyw gyllid pellach ar gael ar gyfer prosiectau TAP.

5. **Sut mae'r penderfyniad yn cyfrannu at y Blaenoriaethau Corfforaethol?**  
Bydd y penderfyniad hwn yn cefnogi'r defnydd effeithiol o arian y Cyngor i gefnogi mentrau cymunedol.

6. **Faint fydd hyn yn ei gostio a sut y bydd yn effeithio ar wasanaethau eraill?**  
Mae'r costau fel a nodwyd yn yr adroddiad

7. **Beth yw prif gasgliadau'r Asesiad o Effaith ar Gydraddoldeb (AEC) a gynhaliwyd ar y penderfyniad? Dylai fod templed o'r Asesiad o Effaith ar Gydraddoldeb wedi ei lenwi a'i atodi i'r adroddiad.**

Dylai'r rhain gael eu cynnal ar sail prosiect unigol lle bo angen.

8. **Pa ymgynghoriadau a gynhaliwyd gyda'r Pwyllgorau Archwilio ac eraill?**  
Mae'r adroddiad yn cynnwys argymhellion gan y grŵp Hyrwyddwyr Tref o Aelodau, nid oes unrhyw ymgynghoriadau eraill wedi cael eu cynnal.

9. **Datganiad y Prif Swyddog Cyllid**

Gall y cynigion yn yr adroddiad gael eu hariannu o fewn yr adnoddau presennol ac felly gellir eu cefnogi. Mae cynnydd y prosiectau angen parhau i gael eu monitro er mwyn sicrhau eu gweithrediad llwyddiannus ac i sicrhau bod gwerth am arian.

10. **Pa risgiau sydd ac a oes unrhyw beth y gallwn ei wneud i'w lleihau?**  
Na fydd y cyllid a ddyrannwyd i brosiectau cymunedol yn cael eu defnyddio'n llawn.

11. **Pŵer i wneud Penderfyniad**  
Mae Aelodau wedi cytuno y dylai'r Cabinet benderfynu sut i ddyrannu'r gyfran hon o gyllid yn y gymuned.